



Bē Hoa ê Hóe-bú

Tek-hôa

“Nā bô keng-kòe su-sióng khé-bêng, Tân-ôan kang-lâng bô khó-lêng hoan-sin!”, tī Tōa-tiū-tiâⁿ têng-á-kha, Kiàn-kiông hiaⁿ tú kìⁿ-bīn tiôh án-ne kā góan kiông-tiāu. Thâu-chêng bô jōa hñg hia, chiâⁿ-pah ê lô-tōng-chiá kap ūn-tōng kang-chok-chiá teh poaⁿ hêng-tōng-kiôk, kin-á-jít in chiūⁿ ke-thâu, beh khòng-gī chu-pún-ka kap chèng-hú chò-hóe pak-siah kang-lâng.

Tī lō-piⁿ khòaⁿ 1-é-á, góan tiôh lī-khui hia, Kiàn-kiông hiaⁿ chio góan kàu hù-kīn 1-ê pêng-iú hia chiáh-tê khai-káng; góan kin-á-jít kap i sio-iok, beh thiaⁿ i ê kò-sū.

Tī chháu-tē só-châi pháiⁿ thàn-chiáh, ko-chit chhím chhut-giáp, Kiàn-kiông hiaⁿ tiôh lī-khui Ka-gī, lâi Tân-pak Tiong-hô “Kok-chè-pâi” chiáh thâu-lō. Chit góeh-jít sin-suí chiah 9 pah khø, thàn--ê tú-tú-á thang kòe-jít. Thè-ngór liáu-āu, pêng-iú ín i kàu Chhiū-nâ-á “Lâm-a Sok-ka” ê ní-chéng-chhiúⁿ, sin-suí ū khah kôan--tâm--póh--á, khiām-tñg ngeh-tō, chiah khai-sí ū thang khiām kóa chîⁿ.

Tī ní-chéng-chhiúⁿ, i kut-lát chò, jīn-chin óh, kòe bô kúi-tang, gōa-kháu chò kāng-tô ê pêng-iú chhiàⁿ i khì kā hōaⁿ kang-tiûⁿ, sui-bóng kui-bô bô “Lâm-a” hiah tōa, m̄-kú chit-ê chhiàng-suh tú-hó hō i liáu-kái án-chóaⁿ keng-êng kóan-lí. Bóe--á, i ka-kī chhut-lâi chhòng-giáp, sòe 1-tè tē, éng thih-phiáⁿ tah 1-keng kang-tiûⁿ, tiôh án-ne khai-sí chò thâu-ke.

Hit-chūn, tóng-gōa ūn-tōng tng teh khí-pōng, i tiāⁿ-tiāⁿ khang-khòe pàng--teh, chông khì thiaⁿ tóng-gōa chèng-kiàn-tiûⁿ. Hō “Kò-bīn-tháng” chau-that ê Tân-ôan-lâng, sim-koan-

té ê ut-chut bē-su tī hia chhōe-tiōh chhut-lō. 90 nî-tāi chho-kî, liân tāi-hák-seng to chē bē tiâu--ah, Tâi-pak ke-thâu tâk-put-sî lóng chhiâng-chhiâng-kún, i ē-sái kóng tâk-tiûⁿ to kiâⁿ kah kàu, kui sim-koanⁿ chôan-sî Tâi-ôan-lâng CTT(chhut-thâu-thiⁿ) ê ñg-bāng.

Tóng-gōa chèng-tī ūn-tōng thiau-chiàn “Kò-bīn-tháng--ê”, kā Tâi-ôan ê siā-hōe-lát ín-tōng--khí--lâi, kang-lâng ê ì-sek tit-tiōh khé-hoat, mā m̄ kam-gōan kè-siök hō lâng thún. Kiàn-kiông hiaⁿ ê kì-tì chin chhim-khek: tī “Lâm-a” tiāⁿ-tiāⁿ to bô mê bô jit ka-pan teh thè thâu-ke thàn-chîⁿ, ní-liāu koh chiâⁿ tōk, chin chē tōng-sū sin-thé lóng án-ne hāi-hāi--khì, nā bē kham-tit chò sùi tiōh ê hō lâng sî thâu-lō. Ka-kī chhut-lâi chò liáu-āu, mā bô khah hó-khang. Ē kì-tit khan-chhiú seⁿ gín-á chêng 1 kang, kāng-khóan khut tī kang-tiûⁿ piàⁿ-sì chò; gín-á koh sè-hàn ê sî, tiāⁿ mā ku tī ki-khì piⁿ..á siá siök-tê, ū-sî-á khang-khòe teh kóaⁿ, bô êng tñg chhù, 1 ke-hóe-á tiōh chiⁿ tiám kang-tiûⁿ áu-piah êng kam-chiah-pan tah ê pâng-keng hioh-khùn. I ê “kai-kip ì-sek” táuh-táuh-á teh hêng-sêng.

Koh bô jōa kú, “Lâm-a Sok-ka” ê tōng-sū chor kang-hōe beh cheng-chhú lô-tōng-kôan, i mā tñg khì tàu sio-thîn, sim-lâi kî-thâi lô-kang thôan-kiat ê lék-liōng è-tàng kái-piàn lô-tōng-chiá ê ūn-miā. Kî-thaⁿ só-châi kang-lâng ê khòng-cheng-tiûⁿ, i kāng-khóan koan-sim tàu chhut-lát. M-kú chham-ú kú--lâi, i hoat-hiän kang-lâng ūn-tōng chóng--sî chha 1-khùi, tèk-piát sî nā tú-tiōh sóan-kí, kang-hōe lâi-té ūi-tiōh chi-chhî bô kāng lâng sòa khí phùi-bîn, sî chin sî-siông hoat-seng--ê, “Tâi-ôan kang-lâng ūn-tōng ê sè ná ê peh bē--khí--lâi?” Chit-ê bûn-tê Kiàn-kiông hiaⁿ it-tit khng tī sim-lâi teh mñg ka-kī.

I khai-sí chhōe chheh thák, mā sì-kè chhōe thák-chheh-lâng thó-lün chhéng-kâu, koh it-tit hóan-séng ka-kī 20-30 tang lô-tōng seng-óah ê keng-giäm. Kòe-khì tī kang-tiûⁿ, kang-lâng hiaⁿ-tī su-té-hā koh khah kàn-kiâu, tī chû-kóan bîn-thâu-chêng, ū kúi-ê thâu-khak taⁿ ê kôan--ê? Ūi-tiōh thàn tâm-pôh-á ka-pan-hùi, chiâⁿ chē tōng-sû kám m̄-sî lóng piàⁿ-sì phô chhiúⁿ-tiûⁿ kap niá-pan? It-poaⁿ kang-lâng lóng chin jîn-miā, koh khah kan-khó koh khah bô háp-lí, chhùi-khí-kin kâ--teh keng--löh--khì, bô, beh tó thó chiâh-pñg-chîⁿ? In kan-taⁿ è-tàng pek gín-á piàⁿ-miā thák-chheh, khòaⁿ ū châi-tiâu thák khah kôan--teh, thoat-lî chò-kang-á kai-kip--bô, kóng beh kái-siän lô-tōng tiâu-kiâⁿ, beh óah kah khah ū phín-chit--teh, in siûⁿ to m̄-káⁿ siûⁿ, tiäm-tiäm chiap-siûⁿ chò-kang-á-lâng ê miā.

Kiám m̄-sî ū chin chē ūn-tōng thôan-thé teh koan-sim lô-tōng-chiá ê chhù-kéng? Thán-péh kóng, Kiàn-kiông hiaⁿ jîn-üi in tâi-pô-hûn--ê lóng ku-ku pih-pih, ū..ê sî teh sñg lî-ek,

ū..ê chhòan siūⁿ to-sī Group sè-lék ê “tàu-cheng”, ū..ê sí-lâng-chheh mōh tiâu-tiâu, koh ū..ê ēng ka-kī kòr-chit ê chú-koan teh jīn-tēng chit-ê sè-kài.

Koh chài kóng, kang-hōe kàn-pō chiah khah ū ki-hōe chih-chiap i-sek kap su-sióng, tāi-to-sò lô-tōng-chiá kin-pún bō hoat-tō lí-kái thiu-siòng su-khó, koh khah bián kóng beh liáu-kái hiah-ê thák-chheh-lâng kóng ê lí-lūn. Tian-tò sī sóan-kí nā kàu, sóan-kí pan-á hoah kah tōa-sè-siaⁿ ê kháu-hō, ták-pái to kā lô-tōng kûn-chiòng lâng kah jiát-phut-phut. Sóan-kí soah, hiah-ê kháu-hō mā ták-pái lóng piàn-chò pát-á-phiò, m̄-kú lô-tōng kûn-chiòng kiám ū in hoat-tō?

Kiàn-kiōng hiaⁿ kóng ka-kī sìng hó-ūn, chò thâu-ke sî-kan khah chū-iû, thàn ū-kàu chiàh tiòh hó, khan-chhiú koh jīn-tōng--i, chiah ū châi-tiāu khai chin chē sî-kan kā chheh tâuh-tâuh-á thák kah bat, koh put-sî tñg “Lâm-a” chhōa kang-hōe hiaⁿ-tī thó-lūn, kā in kór-bú.

Kóng kàu lō-bóe, Kiàn-kiōng hiaⁿ iáu-sī it-tít kiōng-tiāu Tân-ôan kang-lâng su-iàu su-sióng khé-bêng, lán lóng tiòh kè-siòk ūi bī-lâi ê sin siā-hōe phah-piàⁿ, bē-tàng hòng-khì!